

## **TSHOOJ XII: Plaub Ntug Nkauj / Nraug Thim**

Ib nkawm niam txiv twg sib yuav tau tiam sis tsis muaj txoj kev sib hlub. Yog tus niam tsis kam yuav tus txiv txij li hnub 1 mus txog 6 lub hlis, tus niam los yog niam tais yawm txiv yuav tau thim nqi tshoob nqis kos kom puv ntoob rau tus vauv. Yog tus txiv ho tshuav niam tais yawm txiv nqi tshoob kos dab tsi los yuav tsis ntxiv rau niam tais yawm txiv lawm.

## **TSHOOJ XIII: Plaub Ntug Kev Plees Kev Yi**

Tham luag poj deev luag sev tsis yuav (tham ua nkauj nraug). Tus txiv neej uas tau tham lwm tus neeg tus poj niam yuav tsum raug kho raws li no:

1. Leej twg xub thab ces tus ntawv txhaum cai yuav tsum muab \$2,400.00 mus kho tus poj niam uas nws deev no tus txiv.
2. Yog hais tias tus txiv tsev thiab tus niam tsev ob leeg thoog siab koom ntsws sib tham ua nkauj nraug. Ob tus neeg txhaum no raug muab ib leej twg \$2,400.00 los kho nkawd ob tug txij nkawm.
3. Yog 4 tug niam txiv no sib deev pauj txoj kev chim lawm, txhais hais tias 4 tug no ua txhaum nom tswv txoj cai, 4 tug no yuav raug muab ib nkawm niam txiv twg yog \$2,400.00 los kho nom kho tswv thiab kho neej kho tsav, kho kwv kho tij.
4. Yog ib tug poj niam twg tseem muaj txiv, tab sis khiav mus raws hluas nraug lawm. Tsis muaj cai rov los txeeb nkawv lub neej, raws lis Hmoob kab lis kev cais.
5. Yog tus txiv khiav mus raws hluas nkauj lawm ces tsis muaj cais rov los txeeb nkawv lub neej xws li khoom vaj khoom tsev uas nkawv tsim muaj.

## **TSHOOJ XIV: Deev Luag Poj Yuav Luag Sev**

Tus txiv neej uas tham lwm tus tus poj niam tseem muaj txiv, txog thaum kawg ob tus neeg sib tham no sib yuav yam uas tus poj niam tsis tau nrauj nws tus txiv, ces txhaum rau tshooj cai no. Kev kho teev raws li nram no:

1. Tus txiv neej txhaum no yuav tsum ntxiv \$5,000.00 ua nqi tshoob rau tus txiv qub.
2. Ntxiv ntawd, tus txiv neej txhaum no yuav tsum muab \$1,200.00 mus kho nom kho tswv. Qhov nyiaj no yog tuaj mus cuag Hmoob 18 Xeeb yuav tsum muab rau Hmoob 18 Xeeb.